

**Aningaasaqarnermut Ataatsimiititaliap suliaq nr. 01.31.06/08-00357 pillugu pingasunngornermi 6. juni 2008-mi aalajangiinera pillugu Naalakkersuisunut ilisimatitsineq.**

(Naalakkersuisut ulloq 24. juli 2008-mi ataatsimiinneranni imm. 2)

**Kontomi pingaarnermi 75.01.01-imi, Avatangiisinut Aqutsisoqarfimmut tunngasumi, aningaasaliissutit ikilisinneqarnissaat**

Naalakkersuisut inassutigaat,

- kontomi pingaarnermi 75.01.01-imi, Avatangiisinut Aqutsisoqarfimmut tunngasumi, aningaasaliissutit 500.000 koruuninik ikilineqassasut,

- kontomi pingaarnermi 20.11.50-imi, Ingerlatsinermit sillimatinut tunngasumi, aningaasaliissutit 500.000 koruuninik amerlineqassasut.

**Aningaasaqarnermut Ataatsimiititaliap oqaaseqaatai**

AC-fuldmætigit pingasut atorfinitsinneqarnissaat siunertaralugu Avatangiisinut Aqutsisoqarfimmut aningaasaliissutit 1,5 mio. kr.-inik amerlineqarnissaat Aningaasaqarnermut Ataatsimiititaliamit ulloq 22. maj 2008-mi akuersissutigineqarpoq (Suliaq 08-334).

Aalajangiinermi ataatsimiititaliap ilaatigut ima allappoq:

*"Taamaattorli 1,5 mio. kr.-it qinnutigineqartut ataatsimiititaliamit maluginiarneqarpoq, taakkunanga 975.000 kr.-it atorfinnut pingasusunut akissarsiarititatut immikkoortinneqarnissaat siunnersuutigineqarluni. Kontomut pingaarnermut 75.01.01-imit, Avatangiisinut Pinngortitamullu Pisortaqaarfimmut tunngasumut, missingersuutinut ilanngussami tamatumunnga naapertuuttumik ukioq naallugu atorfinnut pingasunut atuinissaq nalunaarneqarsimavoq. Tamannali ataatsimiititaliamit eqqumiigalugu maluginiarneqarpoq. Atorfiit taaneqartut pingasut allagarsiunneqaqqaassappata aningaasaliissuteqarnissamillu qinnuteqaatip matuma akuersissutigineqarnerata kingorna aatsaat inuttalernerqarlutik 2008-mi ukioq naallugu atorfiit pingasut pineqaratik 1 ½-it pineqassapput. (Tassa atorfiit taakku pingasut 1. juli 2008-mi inuttalernerqassappata). Taamaalilluni 975.000 kr.-it akissarsianut atorneqarpata, tamanna sulisumut ataatsimut ukiumoortumik 650.000-it missaannik akissarsiaqartitsinissap naatsorsuutigineqarsinnaanera naligissavaa, tamannalu fuldmægtigit atorfimmud nalinginnaasumut akissarsiarititanit annertunerujussuorinarluni. Namminersornerullutik Oqartussat qitiusumik allaffeqarfiat akissarsiatigut siuttuunnginnissaanik kissaateqarnermut ukiumoortumik taamatut akissarsiaqartitsinissaq naapertuussorinangilaq. Taamaattumik sulisunik nutaanik atorfinitsisisoqalersaanngitsoq, sulisooreertulli/akissarsialli 1. januar 2008-mit avatangiisinut tunngasunut nuunneqalersaarnarat ataatsimiititaliamit naatsorsuutigineqartariaqarluni. Tamanna isummernissamut tunngavissiami missingersuutinullu ilanngussani erseqqissumik allassimasariaqaralarpoq.*

Ataatsimiititaliap naatsorsuutigisaa kukkunerusoq paasinarsissagaluarpat Naalakkersuisut qinnuteqaammik nutaamik Aningaasaqarnermut Ataatsimiititaliamut kinguarsaanertaqanngitsumik nassitsisariaqarput, tamatumalu kingorna aningaasat pisariaqartinneqanngitsut ingerlatsinermit sillimatinut nuunneqarlutik."

Ataatsimiititaliap oqaaseqaatai tunngavigalugit Aningaasaqarnermut Ataatsimiititaliamut qinnuteqaataaqqartoq kukkuneqartoq Naalakkersuisut paasisimavaat, atorfiimmi pingasut taaneqartut 2008-p qiteqqunnerani inuttalernerqartussatut naatsorsuutigineqarmata. Taamaalillunilu ulloq naallugu atorfinnut pingasunut atatillugu akissarsiasanut aningaasat

pisariaqartinneqaratik, pineqartorli tassaalluni ukiup affaani ulloq naallugu atorfiit ukioq naallugu sulisunik 1 ½-inik atuinermik naleqartut.

Tamannalumi aamma kontomut pingaarnermut 75.01.01.-imut, Avatangiisinut Aqutsisoqarfimmut tunngasumut, missingersuutitut ilanngussami allassimavoq, taassuma oqaasertaani allassimalluni sulisorisat atorfinniit pingasunit atorfinnut 1 ½-inut ikilineqartut. Missingersuutitut ilanngussami tassani sulisorisanut takussutissiami sulisut 2-t nalunaarneqarsimapput. Taamatut naatsorsuineramik misissuereernerermikkut sulisorisat -1,5-inut allanngortinneqarnissaat kisitsisarnermi tunngavinnut nalinginnaasunut naapertuunnerussasoq Naalakkersuisut paasissagunikku, taamatut paasinninneq missingersuutitut ilanngussap 2008-mi ilassutitut aningaasaliissutitut inatsimmi ilanngunneqannginnerani missingersuutitut ilanngussami sulisorisanut takussutissiami takuneqarsinnaassasoq Aningaasaqarnermut Ataatsimiititaliamit naatsorsuutigineqarpoq.

### **Aningaasaqarnermut Ataatsimiititaliap aalajangiinera**

Siuliani allassimasutut paasinninneq tunngaviutillugu Naalakkersuisut inassuteqaataat Aningaasaqarnermut Ataatsimiititaliamit **akuersissutigineqarput.**

Inussiarnersumik inuulluaqqusillunga

Augusta Salling

Aningaasaqarnermut Ataatsimiititaliap siulittaasua